



MEMORIÆ SEMPITERNÆ

*Vita nunquam satis laudata.*

*Mortis æternum beata*

V I R I

*Clariss. Experientiss. Excellentiss.*

DN. GEORGII  
KIRSTENII,

Utriusq; Medicinæ Doctoris, &  
Regii Pomeranorum Gymnasii Profesoris,  
Practiciq; famigeratiss.


Q V I

*Anno M DC LX. 4. Nonar. Martii*

animam pientissimam cœlo, unde acceperat,  
reddidit,

corporis autem exuvias terræ 5. Iduum Martii mandan-  
das suis reliquit,

S A C R U M.



STETINI,

& Chalcographœo GEORGII GOETSCHII,  
Regii Pædag. Typothetæ.





Vi morbos vicit Medicus, non  
vincere mortem

KIRSTENIUS potuit; mortuus  
occubuit.

Sic victor simul & victus: sed vi-  
ctor adhuc est,

Dum victo mundo, regna quæta Capit:  
Liber ubi à Curis, mundum mortemq; triumphans,

Altius agrotas despicit inde vices.


Nos, qui fortunæ, qui corporis undiq; morbis  
Atq; animi premimur, qui juvet, ecquis erit?

*AMICI FUNUS,*

*In publico patriæ funere,  
seria dolens F.*

*JOACH. V. Hammerstedt /*

*Consist. R. S. Vice-Direct.*



ANAGRAMMA EPIGRAMBION.

KIRSTEINIUS.

CINIS TU ERIS?

**T**Uq; CINIS pater ipse prius Cousq; medentum,  
TUq; ERIS ipse, prius Phœbe canore, CINIS?  
Dispe-



*Differeam si quis Deli se munit arte,  
Metra ubi nulla valent, pharmaca nulla valent.*

*Ad monumentum Medici ac Vatis è pau-  
cis exquisiti ex animo condolens  
statuit*

HENRICUS SCHÆVIUS, D.

~~~~~

**N**on fuit in Medicis, Medicum sanare medelis,  
Non fuit in Medico, proprium depellere  
morbum:

Nec Rex, Nec Princeps, Doctor, nec Jure peritus,  
Nec Dives, Pauper, magicâ non arte Magister,  
Contra vim mortis nullus servatur ab istis.

Id nunc KIRSTENII firmatum funere cerno.

Sic placuit Domino, sic vult divina voluntas.

Ergo, quid profunt lacrymæ? quid mœsta querela?  
Mortuus haud periit, sed mortem morte subegit.

*Condolentia Ergo f.*

CHRISTIANUS SCHADELOOCK,  
*Phil. & Med. Doct.*

~~~~~

**K**irstenium tumulo postquam mors intulit, ecce,  
Gaudet, in hoc uno mille obuisse viro.

*testandi doloris ergo Medico celeberrimo,  
suo quondam Præceptori scr.*

GEORG FRIDERICH Kall/  
*Med. & Phil. D.*



## EPITAPHIUM.

*Clariss. Dn. GEORGII KIRSTENII Medicinar. Doctor.  
Amici ac Fratris sui antiqui & desiderabilis.*


**Q**uem tegit hic tumulus, quondam spes ma-  
gna salutis

*Agris, & Medicâ clarus ab arte fuit.  
Finem illi accelerat Mensis, ceu signifer olim  
Præcedens reliquos, fidere Veris ovans.  
Fulgebat splendore boni, Virtutis Amator,  
Mors tamen Hunc terris invidet atra VIRUM.  
Discite mortales, sit quanta potentia Lethi;  
Ars, tempus, pietas nil remorantur eam!*

*condolenti manu ac mente. pos.*

**CASPARUS MEJER,**

*Archidicast. Pomer. Advoc. Se-  
nat. & p. t. Prætor Stetin.*



**C**Armen, KIRSTENI, deberem Manibus amplum,  
Posceret id virtus ingeniumq; tuum;  
Ingenium at gemitus, mea lumina flumina fundunt,  
Stillat aquas calamus, charta lavatur iners:  
Exorare metron nequeo. Quid Apolline dempto  
Musa, quam lacrymas, scribere porro queunt?

*Hisce lacrymis beatiss. sui Kirstenii  
Manes prosequer.*

**M. DANIEL Schulz.**

*Cuiq;*



**C**Uliq; dies stat! Non fas est transcurrere me-  
tam :  
Tempus cuncta vorat, quæcunq; sub axe re-  
nident;

Haud tamen est eadem cunctis fors, exitus idem.  
Non Probitas, nec Majestas, nec bellica Virtus  
Mortem inhibere valent, ejusq; repellere falcem:  
Artem Mors superat medicam, nec pharmaca curat.  
Sat vixit, bene qui vixit, bene mortuus idem,  
Vel potius placida compostus pace quiescit.

*Condolens f.*

ERDMANNUS Schwarzkopff.

~~~~~


**V**iderat Astripotens sævo langvore gementem  
Kirstenium, morbo concutiente gravi:  
Quin & Apollineos omni conamine Mystas  
Pellentes misera prægrave labis onus.  
Non, ait, humanis utendum hic viribus, istud  
Nimirum vestrà plus valet arte malum.  
Noster honos, nostra hæc sit gloria: quodq; negatum  
Telluri, auxilium mox feret ipse Polus.  
Dictum erat hic factum. Terram sua filia matrem  
Terra petit, superas mensq; soluta plagas.  
Arbor ubi vita est, Isai ex radice virescens,  
Fluminaq; æterna plena salutis eunt.



*Hæc panacea virum, morbis & morte fugatis,  
Restituit, saluum hæc jam sine fine dedit.  
Cedite, qvi medica claretis ab arte: Supremi  
Hic medicus medici nempe levatus ope est.*

*Ita magno Kirstenio, cum jam pacido obitu  
inter mortales esse desisset, ultimum de-  
bitum, ac pro Germani ante hac vadi-  
monio qvaleqvale redhostimentum ex-  
olvere conabatur*

*M. GEORGIUS HÜBNERUS,  
Schol. Stet. Sen. SubR.*



*Q*Vi toties morbos stravit, jam sternitur ipse,  
Huncq; triumphata morte perire vides.

*Hoc Medico exanimis pestis, vis nulla doloris  
Iliaci, nulla & febris inulta fuit.*

*Ipsa sibi timuit Libitina, medente Galeno*

*Hoc nostro, exeqvias est meditata diu.*

*Mutarunt sed fata vices: qvi nuper ovabat*

*Morborum domitor, tabuit & cecidit.*

*Qviq; aliis lethum tardare, recensq; parare*

*Robur semineci, hunc mors inopina rapit.*

*Qvid tandem invalidis, Medico hoc moriente, fu-*

*Ejus in occasu jam periisse reor. (turum?)*

*Ita B. Dn. D. Kirstenii, Præceptoris sui quondam  
observandissimi, & Medici Stetiniensium  
felicissimi, tumulum cobonestare debui*

*PETRUS Schirmacher.*


*Sus-*



*Succubuit Morti, valido medicamine Mortis  
Agmina qui solitus pellere sæva procul.  
Nil valere tholo medico quæcunq; recondunt  
Indus, Arabs; felix quæve Epidaurus alit.  
Sic non rara malis Medico prudentia cedit,  
Cum fallunt doctam tristia Fata manum.*

Piis Manibus Medici præcellentissimi  
paucula hæc properanter con-  
secrabat

JOHANNES HARDERUS,  
Ph. & Med. Stud.



*Siccine deseritur svavissima, Patruæ, Conjux,  
Ceu turtur deflet quæ sua damna tori?  
Siccine deseritur Genii, Virtutis & hæres,  
Filius, unica spes, deliciæq; tuæ?  
Siccine deseritur langvescens turba dolore,  
Sollicite exspectans teq; tuamq; manum?  
Siccine deseritur Musis sacrata juvenus,  
Quæ duce te voluit grande parare sophos?  
Siccine egoq; simul jam deferor, ante Parente  
Fatis erepto, cui vice Patris eras?  
Ast hæc neq; vicquã ingemino; quid murmure vano  
Fata, necisq; iras increpuisse juvat.*


Sol-



Sollicitabo Deum potius, mœrore dolentes  
Ut juvet auxilio consilioq; suo:  
Sic Conjux, soboles, æger, Studiosus & Ego,  
Quod nos soletur, quisqvis habere potest.

*Funus Patru sui, Parentis loco  
venerandi, prosequet.*

NICOLAUS KIRSTENIUS,  
Hamburgensis.







987055 Bibliotheca 3.000,-  
P.P. Camaldulensium in Bielany

Depozyt w Bibliotece Jagiellońskiej



10231

X. 11. 27



